

РУХАНИ МҰРА КЕҢІСТІГІНДЕГІ ОРТАҚ ҚҰНДЫЛЫҚ



Кеше Қызылордада облыс әкімдігі мен «ТҮРКСОЙ» халықаралық ұйымы бірлесіп ұйымдастырған «Қорқыт ата мұралары – түркі халықтарының рухани қазынасы» тақырыбындағы ғылыми-теориялық конференциясы өтті. Бұл конференция «Қорқыт және Ұлы Дала сазы» атты дәстүрлі музыкалық өнер фестивалі аясындағы шара.



Оған облыс әкімі Қырымбек Көшербаев, Қазақстанның халық жазушысы Олжас Сүлейменов, «ТҮРКСОЙ» түркі мәдениетін дамыту ұйымының бас хатшысы Дүйсен Касейінов, Түркия, Ресей, Әзірбайжан, Өзбекстан, Қырғызстан, Молдова елдерінен арнайы келген және отандық ғалымдар қатысты. Басқосуды Қорқыт ата атындағы Қызылорда мемлекеттік университетінің ректоры, профессор Қылышбай Бисенов жүргізді. Конференцияның ашылуында облыс әкімі Қырымбек Көшербаев құттықтау сөз сөйледі. Күллі түркі руханиятының ортақ тұлғасы

– Қорқыт ата тыныс тапқан мекенге келген қонақтарға облыс жұртшылығы атынан ізгі лебізін білдірді.

– Мұндай іс-шаралар жаһандану заманында түркітілдес халықтардың бірлігі мен ынтымағын нығайтуға, мәдениеті мен өнерін, тілі мен ділін, салт-дәстүрін насихаттауға тарихи жауапкершілікпен қарау үшін де керек, – деді облыс басшысы.

«Мәдени мұра» мемлекеттік бағдарламасының рухани дүниелерді түгендеудегі орны ерекше болды. Ұлы Жібек жолы бойында жатқан ескі қалаларды зерттеу, әдеби

мұраларды жинақтау, Сыр бойындағы саф өнердің бастауын зерделеу үшін облыс әкімі жанынан ғылыми-әдістемелік кеңес құрылды. Елімізге белгілі мәдениет, руханият қайраткерлері осы кеңес құрамында жұмыс істейді. ЮНЕСКО-ның материалдық емес мұралары тізіміне негізгі номинациялардың

кең конференция жұмысына табыс тіледі.

Одан әрі Қазақстанның халық жазушысы, ақын Олжас Сүлейменов, «ТҮРКСОЙ» халықаралық ұйымының Бас хатшысы Дүйсен Касейінов, Түркия Республикасының Ататүрік атындағы Түрік тілі құрылымының президенті Мұстафа Качалин, Түркияның Ескішеһир қаласы әкімінің орынбасары Гүнхан Язар сөз алды. Олар Қорқыт ата мұраларын ортақ құндылыққа айналдырудың өзекті тұстары талқыланып басқосудың маңызына тоқталды.

Ғылыми баяндамаларға кезек келгенде алғаш болып Қазақ Ұлттық өнер университетінің профессоры Саида Елеманова қазақтың дәстүрлі музыкасы мен Қорқытты алғашқы музыкалық аспапты жасаушы деп танудың астарына үңілді. Қазақ аңыздарындағы Қорқыт образы мен «Қорқыт ата кітабының» аражігін ажырататын ғылыми тұжырымдарын ұсынды.

Орталық Азиядағы полигенезис қағидасы мен этнолингвомәдениет тарихын зерттеген Чуваш мемлекеттік Тіл білімі гуманитарлық ғылымдар институтының бөлім меңгерушісі Николай Егоров көпшілікке өркеніетінің басты дәуірлеріне өз бағасын берді. «Деле Коркут дастаны – түркі халықтарының ескерткіші» тақырыбында баяндама жасаған әзірбайжандық ғалым Азизхан Тан-рыверди ортақ мұраның түбі бір халықтарды біріктіретін маңызы туралы айтты.

бірі болып Қорқыт ата күйлері мен күй дәстүрі ұсынылды. Елбасы тапсырмасына сәйкес Қорқыт ата ескерткіш-кешеніне қайта жаңғырту жүргізілуде. Екі аптада құрылысшылар жұмысын аяқтайды. Алдағы «ЭКСПО-2017» көрмесіне келген қонақтарды Байқоңыр ғарыш айлағына жакын жатқан Қорқыт ата ескерткіш-кешенімен таныстыру жоспарланып отыр.

Қырымбек Елеуұлы түркі тектес халықтарға ортақ мол мұраны сабақты жібіне дейін шашау шығармай жинақтауды мұрат ет-

2-бет

ТҮРКІ САЗЫНЫҢ ҒАЖАЙЫП ҮНІ

Н.Бекежанов атындағы облыстық музыкалық драма театрында облыс әкімдігі мен халықаралық «ТҮРКСОЙ» ұйымының ұйымдастыруымен Түркі тілдес халықтардың «Қорқыт және Ұлы Дала сазы» атты дәстүрлі музыкалық өнер фестивалінің ашылу салтанаты болды. Сахна шымылдығы «Томирис» би тобының «Тәңірге табыну» биімен түрілді. Мұнан соң аймақ басшысы Қырымбек Көшербаев сөз алып, барша Сыр жұртшылығы мен түркі халықтарын бүгінгі өнер мерекесімен құттықтады.

«Түркі мәдениетінің бастау бұлағы болған Сыр елі қашанда қазақтың қалпын, бабалар салтын сақтаған өркеніет өлкесі. Қазақ елінің астанасы болған қасиетті бұл жер тарихи құндылыққа тұнып тұр. Өткеннің өнегесі, бүгінгінің баға жетпес байлығы ежелгі Қорқыт жерінде түркі тілдес елдердің «Қорқыт және Ұлы Дала сазы» халықаралық дәстүрлі музыкалық өнер фестивалін ұйымдастырудағы негізгі мақсатымыз – түркі тілдес халықтардың ұлттық музыкалық өнерін дәріптей отырып, өзара мәдени қарым-қатынасы мен байланысын нығайту. Сол арқылы тілі ұқсас, діні ортақ елдердің салт-дәстүрлерін, қайталанбас өнерінің озық үлгілерін жұртшылыққа таныстыру. Сол себепті де бүгінгі мерекенің маңызы зор деп білемін.

Сондықтан өткеннің уақытын бойына сіңірер ұрпақ барда түркі әлемінің әлі талай ғасырға ұласары сөзсіз. Елбасы Н.Назарбаев ХХІ ғасырды еліміздің «алтын ғасыры» болсын деген болатын. Түркі әлеміне де жаңау, жасарудың ғасыры болсын деп тілек білдіремін», – деді.

Мұнан әрі облыс әкімі халықаралық ТҮРКСОЙ Түркі мәдениетін дамыту ұйымының Бас хатшысы Дүйсен Касейіновке алғысын білдіре отырып, түркі әлемінің мәдени жобаларын іске асырудағы еңбегі үшін облыстың «Құрмет» грамотасын табыстала. Өз кезегінде ел ағасына ризашылығын білдірген бас хатшы түрік шеберлерінің қолынан шыққан өнер туындысын сыйға тартты.

Фестивальді бұдан кейін Қазақстан, Әзірбайжан, Қырғызстан, Өзбекстан, Түркия, Молдова елдерінен, Ресей Федерациясының Татарстан, Алтай, Якутия, Хакасия, Башқұртстан республикаларынан келген 36 өнерпаздар мен өнер ұжымдарының концерті жалғалды. Сыр халқы жиналған кеште әзірбайжандық Нүрие Хусейнова мен молдовалық Петр Петковичидің әні, сондай-ақ, түрік өнерпазы Ниллюфер Оғуз бен татар елінің өнер жұлдызы Айдар Валеевтің өнері көпшілікті бір серпілтті. Өнер мерекесінде сырбылдық жыраулар да жырдан шашу шашты. Жалпы, бұл мереке түбі бір түркі халқының тұтастығын, ұлттар достығын көрсете білді.

Мейрамгүл ДАУЫЛБАЙҚЫЗЫ.



МЕЗГІЛ МӘСЕЛЕСІ

ЖЫЛУ БАҒАСЫ ӨСПЕЙДІ

Кеше облыс әкімінің орынбасары Нұржан Әлібаев 2014-2015 жылдардағы жылу беру маусымына дайындық жұмыстарын тағы бір пысықтау мақсатында БАҚ өкілдеріне арнап баспасөз мәслихатын өткізді. Оған ҚР Ұлттық экономика министрлігінің Табиғи монополияларды реттеу басқекелестікті қорғау комитетінің Қызылорда облысы бойынша департаменті басшысы Н.Пірімов және облыстық энергетика және тұрғын үй-коммуналдық шаруашылығы басқармасының басшысы Е.Әбдіхалықов пен бірқатар мемлекеттік мекеме қызметкерлері қатысты.

Сарайған күздің салқыны сезіліп келеді. Бұл ретте алғашқы мәселе жылу беру жайы екені анық. Осы ретте биылғы жылу беру маусымының дайындық жұмыстары толықтай шешімін тауып отыр.

– Алдағы жылу беру маусымына дайындық жұмыстары толығымен аяқталды. Осы орайда көгілдір отынның бағасына байланысты жылу бағасы да 28,6 пайызға өседі деген болатын. Дегенмен, бұл мәселе де өз шешімін тапты. Қарапайым халықтың қалтасына салмақ салмау мақсатында газға республикалық бюджеттен субсидия алу жұмысын қолға алып отырмыз.

2-бет

ДЕНСАУЛЫҚ

ҚЫЗЫЛОРДАДА АЛҒАШ РЕТ БҮЙРЕК АУЫСТЫРУ ОТАСЫ ЖАСАЛДЫ

Сыр медицинасының тарихында тұңғыш рет созылмалы бүйрек ауруына шалдыққан науқасқа бүйрек трансплантациясы жасалды. Осы арқылы Қызылорда республикада бүйрек ауыстыру отасын жасаған төртінші облыс атанып отыр.

29 жасар қала тұрғыны Ердаулет Бозғұловқа туған қарындасы Жанагүл Бозғұлова донор болып, бір бүйрегін берді. Ең ауыр операциялар қатарынан саналатын отаны А.Сызғанов атындағы Ұлттық ғылыми хирургия орталығының мамандары мен облыстық медицина орталығының хирург-дәрігерлері бірлесіп жасады. Дәрігерлердің айтуынша, қазір науқастың да, донордың да жағдайы жақсы.

Сейсенбі күні облыс әкімі Қырымбек Көшербаев облыстық медицина орталығына барып, ағалы-қарындасты Бозғұловтардың көңілін сұрады, сауығып кетуіне тілектестігін білдірді. Емдеуші дәрігермен, А.Сызғанов атындағы Ұлттық ғылыми орталығының мамандарымен кездесіп, науқастың хал-жағдайын сұрады, сонымен бірге өңірлік медицинаның даму барысына тоқталды.

– Денсаулық сақтау саласы біз үшін аса маңызды. Сондықтан қаржыны аяп жатқанымыз жоқ. Ағымдағы жылы бұл саланы қаржыландыруға 35 млрд. теңге қаралды, бұл өткен жыл-



мен салыстырғанда 18 пайызға артық. Биылдың өзінде 12 медициналық нысанға күрделі жөндеу жұмыстары жүргізілді. Саланы дамытуға арналған «Жол картасы» бекітіліп, оның шеңберінде тиісті қаржы бөлінді. Міне, сіздер күрделі ота жасаған мына облыстық медицина орталығы бүгінде заманауи жабдықталған алып емдеу мекемесі. Біздің мақтанышымыз, – дей келе, аймақ басшысы А.Сызғанов атындағы Ұлттық ғылыми хирургия орталығының директорына, мамандарына ризашылығын білдіріп, алғысын айтты.

Өз кезегінде Ұлттық ғылыми хирургия орталығының бас директоры Жеткерген Арзықұлов сәуір айында бүйрек трансплантологиясын меңгеру үшін қызылордалық дәрігерлердің Ұлттық орталықта болып, білімін жетілдіріп қайтқанын айтты және облыстық медицина орталығында күрделі оталарды жасауға барлық мүмкіндіктің бар екенін жеткізді.

Жалпы, өңірімізде бүйрек ауруына шалдығып, гемодиализде отырған 100-ден астам науқас бар. Оның 40 пайызы бүйрек ауыстыруды қажет етеді. Осы уақытқа дейін облыста 29 адамға донор бүйрегі ауыстырылған.

Келесі трансплантация үстіміздегі жылдың қараша айына жоспарланып отыр.

Айнұр БАТТАЛОВА.

ҚАБЫЛДАУ

ФЕСТИВАЛЬ МЕЙМАДАРЫМЕН КЕЗДЕСТІ

Сейсенбі күні облыс әкімі Қырымбек Көшербаев «Қорқыт және Ұлы Дала сазы» халықаралық дәстүрлі музыкалық өнер фестиваліне келген қонақтармен кездесті.

Мәртебелі меймандар қатарында ТҮРКСОЙ халықаралық ұйымының бас хатшысы Д.Касейінов, ақын, Қазақстанның Халық жазушысы О.Сүлейменов және Әзірбайжан, Түркия, Ресей, Молдова, Қырғызстан мемлекеттерінен келген шетелдік ғалымдар мен саясаткерлер бар.

Аймақ басшысы Қырымбек Көшербаев аймақтағы атқарылып жатқан мәдени-әлеуметтік шараларды айтып, облыстың бүгінгі тынысын баяндады. Түбті бір түркіге ортақ Қорқыт атаның Отаны саналатын Сыр топырағындағы тарихи жәдігерлер жайын сөз етті. Сақтардың отаны – Шірік-Рабат, оғыздардың орталығы – Жаңкент, қыпшақ хандығының ордасы Сығанақ осы Сыр бойында жатыр. Жиырмасыншы ғасыр басында Қызылорданың астана болғанын қоссаңыз, төрт астана орын тепкен киелі өңірдің ұлт тарихындағы орны ерекше айықтала түседі.

Кездесу соңында Қырымбек Елеуұлы қонақтарға қадесый тапсырып, облыстың негізгі даму салаларын суреттейтін бейнефильм көрсетілді. Қонақтар халықаралық өнер додасына шақырғаны үшін аймақ басшысына алғыстарын жеткізді.

М.ТОҚТАҒҰЛ.

АЛТЫН КҮЗ – 2014

18-19 қазанда өткізілетін «Алтын күз-2014» салтанатты іс-шарасының БАҒДАРЛАМАСЫ

2014 жылдың 18 қазаны			
12 ⁰⁰ -13 ⁰⁰	Егін жинау жұмыстарының қорытындысы мен өндіріс оңаттарын марапаттау салтанаты, концерттік бағдарлама. (Н.Бекежанов атындағы драмтеатр)		
13 ⁰⁰ -15 ⁰⁰	Облыс әкімінің ауыл шаруашылығы өндірісінің оңаттарын салтанатты қабылдауы		
2014 жылдың 19 қазаны			
8 ⁰⁰ -10 ⁰⁰	Ауыл шаруашылығы өнімдерінің жәрменкесін аралау		
	Орналасуы орны		
	Қармақшы ауданы	«Ақмешіт» және «Мерей» мөлтек ауданы («Думан» мейрамханасы мен «Сырария» саууда үйінің аралығы)	
	Қазалы ауданы	Ғ.Мұратбаев көшесі мен Қожахмет Ясауи көшесінің қиылысы («Шұғыла» мөлтек ауданы)	
	Сырдария ауданы	Жанқожа батыр көшесі (Реалбаза аясында)	
	Арал ауданы	Қорқыт ата көшесі мен Қожахмет Ясауи көшесінің қиылысы (Темір жол тесік көпір аумағы)	
	Жаңақорған ауданы	Б.Нұраева көшесінің бойы (Көшербаев көшесі мен Жетіс көшесінің аралығы)	
	Жалағаш ауданы	«Титов» қыстағы (№173 орта мектептің аумағы)	
Қызылорда қаласы	Шиелі ауданы	Тасбөгет кенті (Орталық алаң)	
	Әйтеке би көшесінің бойы (Қазыбек би көшесі мен Д.Қонаев көшесінің аралығы)		

● БАЙҚАУ

ӘЛЕМ ТАНЫҒАН ЖАЗУШЫ ӘЛЕМІ



Облыстық тілдерді дамыту басқармасының ұйымдастырумен халық жазушысы, қазақ әдебиетінің классигі Әбдіжәмил Нұрпейісовтің 90 жылдығына орай облыстық «Тілдарын-2014» олимпиадасы болып өтті.

Шара үш тілді қатар меңгерген қабілетті жастарды анықтау және оларды қолдау, тілдік қарым-қатынас мәдениетін қалыптастырып, жастарды ұлтжандылыққа, бірлікке тәрбиелеу, қазақ, орыс, ағылшын тілін жетік білетін тұлғаны дәрiптeу мақсатын көздейді.

Сайысқа 18-25 жас аралығындағы құрамында жоғары және орта оқу орындарының оқытушылары мен студенттері, мектеп мұғалімдері бар барлығы 20 талапкер қатысты. Сайыскерлердің қабілеті мен біліктілігін ҚМУ-дың оқытушысы, филология ғылымдарының кандидаты Аман Әбәсілов жетекшілік еткен қазылар алқасы бағалады. Сарапшылар талапкердің тілдерді меңгеру деңгейіне, жазу сауаттылығына, берілген жауаптың мазмұны мен оралымдылығына, сөздік қорының байлығына назар аударды. Байқаудың “Тұсаускер” кезеңінде классик жазушының шығармашылығына арналған сұрақтар қойылып, талапкерлердің

білім деңгейі сыналды.

Байқау қорытындысында “Қазақ-Қытай” академиясының 4-курс студенті Гүлшат Арыстанқызы барлық сындардан сүрінбей өтіп, жүлдеп І орынды иеленді. Ал екінші және үшінші орынға М.Мәметова атындағы гуманитарлық колледж студенті Маржан Ердібек пен Жалағаш ауданындағы №123-ші мектептің ағылшын тілі пәнінің мұғалімі Әйгерім Ысқақова ие болды. Қаладағы №101-ші мектеп пен Қармақшы ауданындағы №249-шы мектеп-лицейінің ағылшын тілі пәнінің мұғалімдері Мөлдір Мәмбетәлиева мен Мейрамқұл Өтегенова ынталандыру сыйлығын иеленді.

Үш тілділер сайысының жеңімпаздарын облыстық тілдерді дамыту басқармасының басшысы Әлімжан Жарылқағанов құттықтап, оларға сый-сияпат көрсетті. Байқау жеңімпазы Г.Арыстанқызы Павлодар қаласында өтетін “Тілдарын-2014” байқауының республикалық кезеңіне жолдама алды.

Атақты суреткердің шығармалары шетелдің ондаған тілдеріне аударылып, әлем әдебиетін дамытуға сүбелі үлес қосты. Байқауда жазушының осы еңбегі көрініс тапты.

Гүлнұр РЕЙМБЕРГЕН.

ҚАЗАГРОҚАРЖЫ
Фермер сәтін көрсейсе – көрсейді туған ел!

КЕЛЕСІ БАҒЫТТАР БОЙЫНША ӨТІНІМДЕРДІ ҚАБЫЛДАУДЫҢ БАСТАЛУЫ ТУРАЛЫ ХАБАРЛАЙДЫ:

ТАУАРЛЫ-СУТ ФЕРМАЛАР КӨКӨНІС ҚОЙМАЛАРЫ
ЖЫЛЫЖАЙЛАР ЖӘНЕ СУАРУ ЖҮЙЕСІ АСТЫҚ ҚОЙМАЛАРЫ
АСЫЛ ТҰҚЫМДЫ ШАРУАШЫЛЫҚТАР ҚҰС ФАБРИКАЛАРЫ
ЖҰМЫРТҚА ЖӘНЕ ЖҰМЫРТҚА ҰНТАҒЫНЫҢ ӨНДІРСІ
МАЛ БОРДАҚЫЛАУ АЛАҒДАРЫ
ЕТТІ ҚАЙТА ӨНДЕУ ЗАУЫПТАРЫ
ЖЕМШӨП ӨНДІРСІН ДАМУЫ
ШОШҚА ӨСІРУ
БАЛЫҚ ШАРУАШЫЛЫҒЫ
WWW.KAF.KZ

Біздің мекен-жайымыз:
Қызылорда облысы бойынша филиалы
Қызылорда қ.с., Желтоқсан к-сі, 46/48, 3 қабат
Тел. 8(7242) 23-00-74, 23-00-59
e-mail: kzi@kaf.kz

ҚҰРМЕТТІ ҚАУЫМ!

Сіздерді 10-12 қазан күндері Қызылорда қаласында және Шиели ауданында өтетін «Алтын күз-2014» мерекесі аясында өткізілетін «Мәңгілік ел киелі – өркендеген Шиели» атты мерекелік шараға қатысуға шақырамыз.

Бағдарлама:

10 қазан сағат 10.00-де

Ботабай ауылындағы № 228 мектепке қоғам қайраткері Шәймерден Бәкіровтің биосін ашу

Өтетін орны: Шиели ауданы, Қоғалы ауылдық округі

Сағат 12.00-де

Қоғам қайраткері Шәймерден Бәкіровке арналған «Ізгіліктің нұрын сепкен тұлға» атты ғылыми-танымдық конференция

Өтетін орны: Қызылорда қаласы, Студенттер сарайы

11 қазан сағат: 12.00-де

Қазақстан Республикасының халық жазушысы Мұхамеджан Қаратаевтың атына Шиели кентінің орталығынан көше беру рәсімі

Өтетін орны: Шиели кенті

Сағат: 15.00-де

«Жүректерге жары толтырған тұлғалар» атты республикалық ақындар айтысы. Айтысты белгілі өнертанушы, ҚР Еңбек сіңірген қайраткері Жүрсін Ерман жүргізеді.

Айтысқа қатысатын ақындар тізімі:

1. Бекарыс Шойбеков – Оңтүстік Қазақстан облысы

2. Балғынбек Имашев – Астана қаласы

3. Мақсат Аханов – Қарағанды облысы

4. Иранғайып Күзенбаев – Шиели ауданы

5. Мейірбек Сұлтанхан – Шиели ауданы

6. Ерлан Әміров – Шиели ауданы

7. Нұрмат Мансұров – Қызылорда облысы, Сырдария ауданы

8. Мөлдір Айтбай – Қызылорда қаласы

Өтетін орны: Шиели кенті, Салтанат сарайы

12 қазан сағат: 08.00-де

«Алтын күз-2014» мерекесі аясында ауыл шаруашылығы өнімдерінің жәрменкесі

Өтетін орны: Шиели кенті, Ы.Жақаев көшесі

Сағат: 10.00-де

Әнші, сазгер И.Құптанұлының атындағы орталық стадионды және ескерткішті ашу, «Алтын күз-2014» мерекесі аясында қазақ күресі, қол күрес, кір тасын көтеруден сайыс

Өтетін орны: Орталық стадион

Сағат: 11.00-де

Қазақстан эстрада жұлдыздарының қатысуымен гала-концерт, мерекелік отпашу.

Гала концертке әнші, акын, сазгер, ҚР Еңбек сіңірген қызметкері Лена Әбдіхалықова, эстрада сахнасында өзіндік орны бар, танымал «Алаш ұлдары» тобы мен жерлесіміз Бауыржан Оспанов және т.б. өнер жұлдыздары өнер көрсетеді.

Өтетін орны: М.Шокай атындағы орталық алаң.

ХАБАРЛАМА

«ПетроҚазақстан Инк.» компаниялар тобы – «ПетроҚазақстан Құмкөл Ресурсиз» АҚ және «ПетроҚазақстан Венчере Инк.» филиалы «Қоршаған ортаны қорғау жөніндегі 2015 жылға арналған іс-шаралар жоспарының» жобалары бойынша қоғамдық тыңдау рәсімін өткізеді.

Қазақстан Республикасы Экология кодексінің 57-бабына сәйкес барлық мүдделі азаматтар мен қоғамдық бірлестіктерді 2014 жылғы 30 қазан күні сағат 10.00-де Қызылорда қаласы, Қазыбек көшесі, 13 мекеңжайында орналасқан «ПетроҚазақстан Құмкөл Ресурсиз» АҚ бас офисіндегі 408-кабинетке өтетін қоғамдық тыңдауға шақырамыз. Байланыс телефондары: 8 (7242) 29-93-90 және 29-95-72, факс: 8 (7242) 27-72-71.

ҚАМҚОРЛЫҚТАН ҚАҒАЖУ ҚАЛМАЙДЫ

Елбасы Нұрсұлтан Назарбаев Қазақстан халқына Жолдауында мүмкіндігі шектеулі азаматтарға көбірек көңіл бөлу керек, олар үшін Қазақстан кедергісіз аймаққа айналуды тиіс деген болатын.

Аудан әкімі бюджеттен 3 миллион теңге қаржы бөліп, сол қаржының арқасында бірқатар іс-шаралар өткізді. Атап айтқанда, 8 наурыз – Халықаралық әйелдер мерекесінде мүмкіндігі шектеулі әйелдерге құрмет көрсетілсе, Наурыз мерекесіне орай 50 мүдделес сый-сияпат жасалды. Сондай-ақ, 1-мамыр – Қазақстанның халық бірлігі күні, 7-мамыр Қазақстан Қарулы күштері күнінде мүмкіндігі шектеулі жандарға арналған үлкен қайырымдылық шара ұйымдастырылса, 1 маусым – Балаларды қорғау күніне орай мүмкіндігі шектеулі балалар арасында спорттық шаралар өтті. Жеңімпаздарға мақтау қағаздары мен сыйлықтар тапсырылды.

Бұдан басқа шілде айының 16 жұлдызында мүмкіндігі шектеулі жандар арасында аудандық спартакиада ұйымдастырылып, 12 тамызда аудандық жұмыспен қамту және әлеуметтік бағдарламалар бөлімі жанынан мүмкіндігі шектеулі жандардың демалыс, көңіл көтеругі аула клубы ашылды. Ал, айдың соңында мүмкіндігі шектеулі жандар арасында «Бәзімді бірдейміз!» атты аудандық қоркөмерпаздар байқауы өткізілді. Қазіргі таңда мүмкіндігі шектеулі жандарға қызмет көрсететін «ИнваТакси» жұмыс жасайды.

Жоғарыда аталған іс-шараларға қол ұшын созып, қамқорлық көрсеткені үшін аудан әкімі Бақыт Дүйсенұлына мүмкіндігі шектеулі азаматтар атынан алғысөзін шексіз.

Е.ТҰРЫМ,

Қазалы аудандық мүдделер қоғамының төрағасы.

КАМБАШТА ЖЕЛКЕН СПОРТЫНАН ЖАРЫС ӨТЕДІ

9-13 қазан аралығында Қызылорда облысы Арал ауданы Камбаш көлінде желкен спорттың «Аралдың қайта дамуы» атты II республикалық турнир өтеді. Жарысқа Астана қаласы, Алматы, Маңғыстау, Оңтүстік Қазақстан облыстарынан 4 команда, 40 спортшы қатысады. Соңғы жылдардың берлерінде бұл спорт түрі елімізде қарқынды дамуда. Бұған дейін, желкенді спорт сайыстары Қапшағай бөгенінде, Балқаш көлінде, Каспий теңізінде өткізілсе, енді олардың қатарына Арал теңізінің аумағы да қосылып отыр. Аталмыш турнирде ересектер арасында «Луч», «Патис-Луч» және ұлдар мен қыздар арасында «Олимпик» бағдарламасы бойынша жеңімпаздар анықталады.

«Болашақ» университетінің ұжымы оқу бөлімінің инспекторы Индира Маханбетжановаға анасы

Зейнептің қайтыс болуына байланысты отбасы мен туған-туыстарына қайғыларына ортақтасып, көңіл айтады.

Туған-туыстары мен жекежаттары Жалағаш ауданы, Аққұм ауылының тұрғыны Асылбек Шілдебаевқа зайыбы

Кампоптың қайтыс болуына байланысты қайғыларына ортақтасып, көңіл айтады.

Арақты таста! Жаңа өмір баста!

«АлкАтекАктив»

«АлкАтекАктив» – бұл:

- алкогольге тәуелділіктен арылғандың табиғи көшен;
- алкогольге құмарлықты өзгертетін табиғи құрам;
- жүрек-қан тамырлары, жүйке, ас қорыту жүйелері мен бауырдың ферменттік жүйесіне табиғи әсер ету формуласы.



Сәйкестік сертификаты
POCC RU.AE-96H06507 от 12.12.2013

Мен – ерекше, кәсіпқой әрі күшті шипа беруші, сонымен қатар ешқандай да жоғары білімсіз, дипломсыз наркологпын! Бұлай деуімнің себебі – маскүнем күйеумен он жылдық отбасылық өмір тәжірибем бар және қол жеткізген нәтижеме барлық медициналық дипломдардан артық. Мен күйеуімді арақтан бір жылдың ішінде ажыратып алдым.

Бұрын күйеуім үнемі ішетін, екі-үш аптаға дейін тоқтамай салынып ішетін кездері болған. Үйдегі бес жасар қызым Катя екеуіміз үшін бұл тозақтан бетер еді. Күйеуім ылғи ұрыс, төбелес шығаратын, бағалы заттарды, видеотехниканы, киімдерді, басқа да бұйымдарды араққа сатып жіберетін. Бірде тіпті маған балта ала жүгірген кезі бар. Абырой болғанда, көрішлер таяу маңнан табылып, көмектесті.

Күйеуім кейде салынып ішуін доғаратын. Мұндайда ол сауығып, бірақ солғын тартып жүреді. Өкінеді. «Үлгілі отағасы» кезіне басталады.

Ол жұмысқа тұрды, бала тәрбиесіне қарайтын болды. Ал кейін бұрынғы қылығын қайта бастады.

Бірде мен өзіме: «Жетер! Біздің отбасында енді маскүнемдікке жол жоқ!» – дедім. Өйткені әбден мезі болған едім, бұл тозақтан құтылу үшін барлығын жасап баққанмын. Күйеуім «қолдалды», наркологиялық диспансерде де, биотокпен де емделді. Олардан әсер болды, бірақ ұзаққа созылмайтын.

Қысқасы, алдыңғы жылы мен маскүнемдікке ұшырап, оның тырнағынан құтылған адамдардың нақты тәжірибелерін зерттеуге кірістім. Мен халықтың тәсілдеріне назар аудардым, арақты тастаған адамдарға телефон шалдым, хат жаздым, олармен кездестім. Ақырында маған маскүнемдікпен күресте көмектесетін ескі халықтық ем негізінде жасалған жаңа, заманауи құрал жөнінде жұрт аузынан естігенім жәрдем берді. Бұл құрал газсырлар бойы қолданылу

тәжірибесінен өткен екен.

Мен оның құрамына кіретін табиғи компоненттердің бауырдың алкогольді өңдеуге жауапты ферменттеріне, бауырдың ғана емес, ұйқы безінің де атқарымдық күйіне белсенді әсер ететінін білдім. Ол сондай-ақ алкогольдік синдромның алдын алады, ішкіш адамның психикалық және эмоциялық күйлерін қалпына келтіреді екен. Ал, тәжірибе жүзінде анықталған ең бастысы, ол ас қорыту деңгейінде алкогольге деген жиіреністі туындатады.

Қазір, нақты нәтиже көргеніме бір жыл толғаннан кейін патенттеліп, «АлкАтекАктив» деген атауға ие болған бұл ерекше табиғи формула жөнінде батыл түрде айта аламын. Ол біздің отбасы үшін құтқарушы болды. Қазір күйеуім арақты татып алмайды.

Мені маскүнемдіктен өмір сүріп азапка түсіп жүргендердің барлығы да түсінеді ғой деп ойлаймын.

Оның құрамындағы ААА@ – алкогольге құмарлықты және алкогольден улану кезіндегі жайыс әсерлерді өзгертетін патенттелген өсімдіктекті кешен.

ААА@ – тау өсімдіктерінің табиғи қуаты мен емішіліктің газсырлық тәжірибелерін және алкогольге тәуелділік кезіндегі еміні тибеттік әсер ету тәсілдерін біріктірген табиғи таза құрылым.

Құрамында ААА@ табиғи сығындысы, копиринус (шампиньондар тобына жататын, маскүнемдікке қарсы қолданылатын ақ түсті саңырауқұлақ), қарапайым тұлкішек (лисичка обиховенная), жайылып, сұлап жатып өсетін жөбішопп (тимьян ползучий), годжи (Азия аумағында өсетін дәрілік өсімдік) жемісі, сүйентамыр (любиток), асылтекті лавр, шұрық-тесікті шайшопп (зверобой), ашы жалбыз (мята), дәрібалдырған (дягиль) және артемизиядан (теңіздің таяз аумағында, тұзды көлдерде тіршілік ететін шаянтізілсес жәндік) алынған шипалы заттар бар.

БАҒАСЫ – 2500 ТЕҢГЕ, ЕМДЕУ КУРСЫ – 6 ҚОРАПША

«Алтай шипагері»
бальзамы

Қан қысымын қалпына келтіріп, құлақтағы шуды кетіреді, простата аденомасында, буындардың сырқырауы мен ауыруында, қанни диабеті, эндокриндік жүйенің бұзылуы, асқазан-ішек жолдарының ауыруына жақсы көмек көрсетеді.

Бағасы – 3500 теңге, зейнеткерлерге 3000 теңге.



Сәйкестік сертификаты № РОСС RU. АЕ96.Н04264, 2011 жылғы 29-шілдесінде берілген.

«Тас майы +7»
(күйеуімізбен кешен)

Ағзадағы микрэлементтер тепе-теңдігін қалпына келтіреді. Қан құрамын жақсартады.

Бағасы – 3000 теңге, зейнеткерлерге – 2500 теңге.



Сәйкестік сертификаты № РОСС RU. АЕ96.Н04100, 2011 жылғы 25-сәуірде берілген.

Байланыс телефондары: 8-701-677-42-42, 8-777-114-13-20

Жарамсыз деп есептелсін

Өмірбек Гүлназ Айнабекқызының атына Қызылорда қаласындағы №222 Т.Рысқұлов атындағы орта мектепті 18.06.2014 жылы бітіргені жөнінде берілген ЖОБ №0726435 аттестатының қосымшасы жоғалуына байланысты жарамсыз деп есептелсін.

Токбаев Ақбар Алайдаровичтің атына Жаңақорған ауданы, Төменарық ауылындағы №53 орта мектептің 9 сыныбын 1996 жылы бітіргені жөнінде берілген НМК №0714061 куәлігі жоғалуына байланысты жарамсыз деп есептелсін.

Нұрбаева Гүлназдың атына Қызылорда облысы, Сырдария ауданындағы №10 кәсіптік мектепті тігінші-пішуші мамандығы бойынша 2004 жылы бітіргені жөнінде берілген КТД-II №0277493 дипломы қосымшасымен жоғалуына байланысты жарамсыз деп есептелсін.

Джасакбаев Сабит Калдыбаевичтің атына Қызылорда қаласындағы «Болашақ» университетін 2013 жылы бітіргені жөнінде берілген ЖББ 0650883 дипломы (№428) жоғалуына байланысты жарамсыз деп есептелсін.

Меншік иесі:

Сыр медиа

жауапкершілігі шектеулі серіктестірі

БАС ДИРЕКТОР

Аманжол ОҒАРБАЕВ

қабылдау бөлмесі
телефон

70-00-36

Сыр бойы

Қызылорда облыстық газетінің редакциясы

БАС РЕДАКТОР

Жұматәлі ӘБДІРАМАН

қабылдау бөлмесі

40-02-17

Бас редактордың
орынбасары

Жауапты хатшы

70-00-43
70-00-81

бөлімдер:

руханият және аяларат - 70-00-64, 70-00-73
экономика - 70-00-41, 70-00-68
ауылмен және саясат - 70-00-41
жарнама - 70-00-49, 70-00-52
есеп-хисап - 70-00-38, 70-00-38
заңгер - 70-00-42
компьютер орталығы - 70-00-34
корректор бөлімі

меншікті тілшілер:

Арал, Қазалы:

Жұмбек Табынбаев - 8724 38 2-34-07

Шиели, Жаңақорған:

Нұрмхан Елтай - 8724 32 4-59-51

e-mail: syrboyi@mail.ru
site: www.syrboyi.kz

Газет Қазақстан Республикасының Мәдениет және ақпарат министрлігі Ақпарат және мұрағат комитетінде тіркелген.

Тіркеу куәлігі №12993-Г, 27.08.2012 ж.

Авторларға қаламыз татырсы: бойынша телесөз, қоғамда өкілетті және қайтарылмайды.

Жарнамалар газеттің түпнұсқа көзқарасы бойынша.

Газет редакцияның компьютер орталығында жатталып, «Сыр медиа» ЖШС-е баспаханасында басылды. Қызылорда қаласы.

Сұтпан Байбарыс көшесі, н/ж

Газеттің таралымы: «Жаңашы» - 23-54-51, «Еркін» - 27-62-84 жауапты.

Редакция мекен-жайы:

Қызылорда қаласы, Сұтпан Байбарыс көшесі, н/ж

Таралымы 22140

Тапсырыс № 938

Электронды оқылым 21000.